


ΧΟΙΡΟΧΩΡΟΓΡΑΦΙΑ:

Cis(m)
K.

SIVE,

1078. m6
2

HOGLANDIÆ DESCRIPTIO.



Plandite Porcelli Porcorum pigra Propago.

Eleg. Poet.

L O N D I N I :

Anno Domini M. DCC. IX.

NOBROKOTAPIA:

SIVE

HOGLANDIA DESCRIPITIO.



Plantio Portella Patronum signa Propria
Fidei 1801

WONDIMIA
Anno Domini M. DCC. LX.

Augusto admodum & undiquaque
Spectabili Heroi

Domino H-- S--

Maredydus Caduganus

Pymlymmonensis. S.P.D.

H O G L A N D I A M hanc
meam cum per aliquot
succisivi Temporis In-
tervalla ad Umbilicum qualem qua-
lem tandem perduxissem; haud
diu (Vir Nobilissime) cui eam di-
carem Patrono, dubius hæsi. Quic-
quid enim uspiam aut lepidè aut
ridiculè à Neotericis conscriptum
sit, id omne & polituli tui judicii
limam, & Patronatûs autoritatem

magnopere desiderat. Ad Te igitur, cujus commendatione fretus exultat, & passim inclarescit TAF-
FEIUS, ad Te, inquam supplex accedit BEVIS: Qui sane TAFFEIUS-
que vester ita per omnia pares sunt Heroes, ut pene videantur gemelli. Quinetiam qui utriusque Herois Encomia, utriusque Poematis structuram paulo penitus contemplatur; ita plane simile & congener utrobique artificium reperiet, ut nullus dubitet quin utrumque opusculum ab eâdem incude, *Tuâ* scilicet confectum, prodierit. *Lineæ* veluti *sibi invicem parallelæ*, quæ, Te iudice, (quicquid inepti contra garriunt Mathematici) *ab eodem centro ducuntur.*

Quamquam vero *Muscipularis Vatis* patrocinium, pro incomparabili quâ polles *Modestia*, in Auspi-

cata spei Juvenem perlubenter transfuleris; tamen nullius nomen præ se feret hæc Epistola, nullius laudes concelebrabit, præter *Tuas*. Quod si perperam fortè

Conemur tenues grandia,

Neque immensam famæ Tuæ gloriam satis exæquent hæc præconia; libeat Tibi, MORTALIUM ACCURATISSIME, quicquid deesse visum est, tuo arbitrio adjicere: Ut per Te docti perpetuo memorent Nepotes, *qualis quantusque vir sies.*

Præli curam & versificationem quod, attinet, Tibi unice tuæque *angustia* permissum est. Tuum est cavere ne qua *Trabs suspectæ mensuræ*, in ædificium hoc Poeticum admittatur; ne quis alicubi male titubet versiculus, ne quis ad nugas hæc etiam commendandas desit ornatus.

Fron-

Frontispicium denique ipse ad-
invenias & CHALCOGRAPHO deli-
neandum tradas. Mihi quidem a-
bundè satisfaciet, si vel *Apri* vel *Tui*
potius imagine cohonestetur pri-
ma pagina ; & perinde erit utrius
proboscidi indatur *χοῖρα σκῆπον*.

Valeas igitur, Dignissime *Nuga-
rum Mecenas*, meis *Tuisque* (ut facis)
laboribus favere pergas ; cætero-
rum omnium conatus vel pro *Tuis*
audacter asseras ; vel, si id commo-
dè fieri nequeat, *fastidiosè* con-
temnas ;

Et sine rivali Teque & tua solus amato.

Ita ex animo vovet

Immensitatis Vestrae

Cultor obsequentissimus,

M. C.

H O G L A N D I A.

A R G U M E N T U M.

Ratio Operis. Agri Hantonienſis Descriptio. Hantonienſes ad Porcos damnati, & quare? Dii Hantonienſibus irati, horrendum illorum arvis immittunt Aprum. Aprī descriptio, & depredationes. Hantonienſium Concilium. Præconis cornu describitur. Porcii Nobilis cujuſdam Hantonienſis Oratio. Bogō: (vulgo Bevis) Eximia illius in re Porcaria Scientia, Oratio. Χοιραρχία, ſive Hamuli Porcarii excogitatio, & descriptio. Lepidum Bogonis in circumveniēdo apro artifiſcium, Armatura, & Victoria. Publica Hantonienſium ſuper eâ re gaudia, convivia, variz delicia. Farcimina quando primum inventa. Unde tot de Bogone Fabule.

(arte ſubegit
SILVESTREM qui primus Aprum mirâ
Victor, & ingentes ſine cæde coercuit iras;
ardivorūque genus, ſiccataque perna camino,
it prius ignoto coctus farcimine Sanguis
orcorum, mihi carmen erit. Tu, Phæbe, vocantem
audi, captiſque fave: Namque exul Olympo

Diceris

Diceris *Admeti* Porcos pavisse Subulcus.

Tuque, *Holdswoithe*, domi vetulæ seu rancida rodīs
Ossa *Suis* ; tumidi carmen servile *Magistri*

Seu jussu componis ; ades, dùm prælia Avorum
Ingeniumque cano, & patriæ præconia terræ.

Non procul *Atrebatum Castris*, quæ vergit in Austrum
Anglia, & exiguo procurrit in æquora tractu ;
Est tellus, *Arturi* olim dum regna manebant,
Milite magnanimo fœcunda, & nobilis armis.

Ast hodiè, vario fortunæ agitata tumultu,
Vix ulla antiquæ retinet vestigia famæ ;
Immundis nam servit apris : *Britonumque* labores

Arvaque *Saxonis* in prædam abiêre Subulcis.

Felix tu angusto pelagi intercepta meatu,

Quæ secura fugis dira hæc contagia, *Vectis* !

Quin agè, *Musa*, mihi referas quo numine *Divæ*
Insenso meruit tantas *Hantonia* pœnas ?

Unde pati graveolentis haræ damnetur odorem ?

Postquam *Neustriacus* subitis invaserat armis
Saxonas, & *Cimbro* successit *Victor Haroldo* ;
Securus regni, rerumque potitus habenis,
Jam catulis agitare feras, jam figere cervos
Cæpit, & ingentes Sylvis rimarier Uros.
At nimis intentus prædæ, penetralia Divûm
Impius aggreditur, ferroque excindit & igne.
Protinus in campum ruit auxiliaribus armis,
Belgarum scelerata manus, superosque laceffens,
Provocat ad pugnam, bellumque indicit Olympo.
Nec mora : Ter denas Divûm furialibus ausis
Rescindunt *Ædes*, totidemque è sedibus imis
Vertunt, suppositisque urunt altaria flammis.
Tum Deus ultricem jaculatus nubibus ignem,
Intonuit, Regisque nefas in prole, nefando
Funere plectebat : *Belgas* damnavit ad *Apros*,
Æternoque pati jussit fœtore *Mephitim*.
Hinc unum fit gentis opus, seriesque laborum
Setigeros curare greges, & olentia tetro
Sacrilegis manibus purgare *Suilia* cœno.

Sed neq; adhuc satura ira Deum est: immittitur arvis
 Infandum dictu! Divinae nuncius iræ
 Trux Aper: Ex humeris in densa hastilia surgunt
 Setarum prædura Seges: *Lybicis*que cruenti
 Dentibus armantur rictus: Micat igneus Ardor
 Luminibus, candensque exit patulo ore favilla.

Ille diu *Segontiacos* impunè per agros
 Noxius erravit, fœcundaque semina rostro
 Eruit incurvo; latèque novalia vastans,
 Sæviit, & miseri præcidit vota Coloni.
 Ne quicquam gravidis sepem prætendit aristis,
 Ne quicquam terrere *Suem* canibusque tueri
 Rusticus arva parat: Ruit ille, & septa ruendo
 Perrumpit violentus, & obvia turbine verrit.
 Qualis in *Ætolis* quondam *Calydonius* arvis
Sus, terror nemorum, & *Tegeæ* gloria dextræ
 Sæviera, stragesque dedit, cultosque pererrans
 Devastavit agros, hominumque boumque labores.

vis Horrendum Gens tota fremit, justæque sub imis
Vindictæ rabies ardet vesana medullis.
nt Mox aliquis Procerum, cui plurima læserat hostis
Prædia, deciduasque voraverat ilice glandes ;
Bile tumet, reliquisque unus magis omnibus ardet.
Jamque iræ impatiens, “ Dirâ, scelerate, rapinas
“ Morte piabis, ait, Diis quanquam fretus amicis.
Conciliumque citus statuit, quâ grata carinis
Tranquillum pandunt *Trisantonis Ostia* portum.

Tum Præco sublimis *Haræ* fastigia nactus
Ex humero ad clunem dependens flexile cornu.
Corripuit : Cornu quod ab imo angustius, orbem
Extendit paulatim, & turbine latius exit.
Armatur plumbo medium ; sed circulus oras
Ambiit extremas, limboque inclusit ahenò.
Hoc simul admovit labiis tumuère cavernæ
Ventris, & æquali surgentes tubere, buccæ
Effecere globum : Clausi mox carcere venti
Murmure se miscent magno, & per utrumq; foramen,

Summum imumque ruunt : Repletum flamine cornu
 Ter clarè insonuit, totiesque immugiit alvus.
 Frustrà utrinque crepat : Flatu licèt ilia rumpat,
 Quid velit, ignorant Patres : Hinc notius illi
 Occurrit commentum : Ictu pulsata frequenti
 Insonat, & stupidam longè vocat Amphora turbam :
 Quadrupedes bipedesque eadem ad convivia Porcos
 Dolia tunsa cient, grexque ultro accurrit uterque.
 Credideris rediisse dies, *Ææaque Circes*
 Pocula, quæ magicis olim incantata susurris,
 In nova monstra vagos *Ithaci* mutâre sodales.
 Protinus audito sonitu, glomerantur in unum
Bæoti Proceres, madidumque liquamine Vulgus.
Porcius inde Senex, cui toto in vertice setis
 Mentita est natura comas, & frigora contra
 Munierat crassâ scabrum porrigine corpus;
 Sic circumfufam compellat voce coronam.

“ Si quid vota, Patres, si quid privata potestas
 “ Hic valuisset, ait ; non tantum ad Rostra tumultum

“ Hæc

nu “ Hæc lux vidisset : Sed jam commune periculum
“ Communem deposcit opem : Nam pabula Gentis
“ Vastat Aper violens, & spes malè ridet inanes.
“ Cernitis ut populetur agros? Ut rapa, fabasque
“ Alliaque extirpet, nostræ decus omne culinæ?
n : “ Cernitis hæc? Sinitisq; inquam? --Succurrite fortes
os “ Agricolæ ; & miseras Patriæ prohibete ruinas.

ne.
Hæc ubi fatus erat, juvenilibus æmula virtus
Creditur incaluisse animis, positoque stupore,
Gens tota insolitas sensit sub pectore flammæ,
Inque *Suis* cædem jam conjurata ruebant
Agmina *Belgarum* : Truculento hic cominûs hosti
Ire parat, justamque armis ulciscier iram :
Cautior is timet imparibus concurrere telis,
Et certare dolis mavult : Sed tertius hosti
Certius exitium intentans, exurit *Itinem*.

s Talibus inter se studiis contraria jactant :
m Cùm subitò mediâ reliquis solertior alter

ec
Emicuit

Emicuit de plebe Bogo (vocat *Anglia* BEVIS)

BEVIS honos Patriæ, *Belgarum* gloria BEVIS.

Ille quid anginâ, vel quid porrigine captos

Sanaret Porcos, novit ; quæ cura nocentes

Pellat Hyoscyami vires ; quo fydere præstat

Incolumes castrare *Sues* ; meliusne farinâ

Pinguescant, an glande ? *Suum* demùm omnia nôrat,

Artibus hisce Bogo instructus, squalentia tergit

Ora, & Semiferum affatur sic voce Senatum.

“ Arma movere, Patres, lethumq; inferre Tyranno

“ Non equidem fas esse reor, ne sævior astris

“ Descendat pœna, & magis æstuet ira Deorum : Pl

“ Sed neque securum foret hosti cominùs armis Po

“ Pergere : *In audaces non est audacia tuta.*

“ Auspice me tandem lætos *Hoglandia* ducet

“ Tuta dies : posthàc gravidis innoxius arvis Ur

“ Munere vivet Aper nostro : me namque benigni Nu

“ Hanc docuère artem Superi. Cùm verteret hortos Nu

“ Talpa meos, curvisque errans ambagibus, herbas Ha

“ Stirpi-

“ Stirpitùs erueret, porrumque & cæpe, superbæ
 “ Delicias mensæ capite obtruncaret, opacis
 “ Retia tramitibus tendebam ; hostemque tenaci
 “ Implicitum laqueo cepi ; rostrum inde recurvum,
 “ Et summas Talpæ transfixi cuspide nares.
 “ Sic domitum placuit Furem dimittere : At ille
 at, “ Telluris repetit rimas, notosque recessus ;
 “ Nec tamen ulterius violavit oluscula morfu.
 “ Hîc eadem quoque tela valent. Sic ipse salutis
 “ Pandit Talpa viam : Nec abest sua gratia Talpis.

no
 Dixerat : Oranti populus clamore secundo
 : Plaudit ovans, gestitque animo spectare salutem
 Pollicitam, & lepidâ devictum fraude Tyrannum.

Intereâ insolito BEVIS conamine cæptum
 Urget opus : Chalybem sudans nunc temperat igne,
 gni Nunc versat massam, crebro nunc verberat icu,
 tos Nunc inflat buccis, totâque incude laborat.
 bas Haud secùs *Ætnæis Brontes*, *Steropesque* cavernis

rpi- Ful-

Fulmina *Phlegæos* debellatura Gigantes
Excudère Jovi : Sic illis corpore toto
Sudor iit, sic æra manu pulsata sonabant.

Et jam fabrili demùm confecta camino
Machina prodierat *Snibus* metuenda futuris,
Artificique suo famam factura perennem.
Sin vacet, ô Lector, jam contemplabimur artem,
Et Fabri mirabile opus. Sinuatur in arcum
Ductilis igne Chalybs, medio qui major, utrinque
Decrescit paulatim, & cuspide surgit acutâ.
Partibus extremis geminâ, de more sagittæ,
Instruitur barbâ, ne rostro furca bicornis
Excidat excussa, aut terris impacta recedat.
At Chalybis medium, quod naribus imminet, hirtum
Quâ rostro confine caput stat, lamina ferri
Tortilis obducit, faciliq; volubilis orbe
Circuit, & simili tegit armamenta metallo.

Haecenus incudi insudavimus: Altera magni
 Pars operis quæ restat adhuc, subtile BOGONIS
 Arguit ingenium. Vigilem quæ falleret hostem
 Arte diu reputans Heros, cerebrumque fatigans
 Nequicquam; "Quid tela mihi? Quid inutile ferrum
 "Proderit hoc? Inquit, si nec virtute, nec armis,
 "Nec tacito poterit monstrum superari æstu?
 Et ferrum abiciens; "Procul hinc, procul ito sinistris
 "Machina facta Deis! Quam pæne *Hantonia* tellus
 frustra efformatum contempserat instrumentum!
 Et tua, BEVI, altis damnata inventa tenebris
 At somno demum admonitus; carchesia Zythi
 fæce repleta, Merique, Soporiferumque Papaver
 miscuit, & pilulas lethæo rore madentes
 Glandibus assimulat, somnumque in glande recondit.

His ita compositis, dubii fortuna pericli
 induere arma jubet: Quis enim concurrat inermis
 tanto hosti? Denos fumo indurata per annos
 erga *Suum* properè rapit, & septemplice nexu

Constringens, varios interfuit orbibus orbes
 Tale olim *Phrygiæ* cùm sterneret ense catervas
 Hostibus opposuit clypeum, *Telamonius Ajax*
 Si non *Taurino* foret hoc, illudque *Suillo*
 Tergore confectum, *Setis*que insignius *aspris*
 Deinde parat *Caligas* : Ferrum rubigine adesum
 Accingit lateri, triplicique horrentia Porco
 Pectora circumdat catus, & *Sylvestris Echini*
 Exemplo sese cognatis implicat armis.
 Sed capiti galeam non applicat : Ipsa laborem
 Præripuit *Natura* istum, metuensque futuri,
Nativa exiguum munibat *Casside* gazam.

Sic demùm *Cataphractus* Eques, raptisq; superbus
 Porcorum exuviis tumet, & prægnantia somno
 Semina fert secum ; fretusque potentibus herbis,
 Cornipedisque fugâ, ruit obuius hostis in hostem.
 Torvus *Aper* visum insequitur : Fugit ille sequentem
 Sudanti tremebundus equo ; pilulasque crumenâ
 Expediens, *Superos*que vocans ; per compita passim

Disper-

Dispergit; magicæque feram confopit ofellâ.
 Victori redeunt vires : Miffoque timore,
 Defilit in terram BEVIS : Dorfoque jacentis
 Fervidus infiliens Apri, victricia circum
 Ventilat arma manu, & fufo canit hofte Triumphos.
 Ingeminant læta arva fonum : Simul (ecce) remotæ
 Affonuere procùl, plaufumque dedere catervæ.
 Jamque feram invadunt omnes : Pars ora catenis
 Stringit; pars pedibus vinclum parat; ille præuftos
 Exacuit palos; hic terræ fortitèr indit.

Ergo ubi jam vinclis obftrictum viderat hoftem,
 Sublatafque metûs caufas *Hoglandius* Heros
 Ad magnum fe accingit opus : Ferrumque bifurcum
 Cote acuit, pinguique perungit acumina lardo.
 Deinde *Suis*, vafte confurgens corpore, roftrum
 Perforat, & furcam capulo tenùs urget; at illa
 Rominuit rofthro, fummiſque in naribus hæſit.

Vix opus absolvit BEVIS ; cum faucia somno
 Bellua se levat, & multum luctata catenis
 Horrendam emisit vocem, quâ littora ponti
 Insonuere procul, sylvisque remugit *Iene*.
 Agnovere sonum populi, longèque remotis
 Confluxere plagis : missa cum stamine Tela
Wintoniensis adest Textor : *Stonhamius* inde
 Appropereat curto Vates investus Asello :
 Hinc atq; hinc astant infensi *Muribus* hostes,
Muscipulasq; gerunt venturi Insignia belli,
 Quos simul ac vidit, furiali percitus æstro,
Bubo cavâ raucum ingeminabat ab ilice carmen.
Clausenti Fidicen, cetuque immistus anili,
 Currit Cërdo frequens, atq; hispidus accola *Alauni*.
 Audiit & Pelagus vocem ; civisque relicta
Veche, *Solentinum* trajecit protinus æstum.
 Attoniti stupuere omnes, molemque Tyranni,
 Virtutemq; Viri, quo vindice, tanta Colonis
 Emicuit, Patribusque salus : quo Autore, reperta est
 Machina non unquam *Belgis* reticenda subulcis.

Tum verò insolito convivio publica luxur
 Poscebant parti domito Prædone Triumpho :
 Ergo fumosis dudum suspensa caminis
 Terga *Suum* centena ruunt, totidemq; Hecatombæ,
 Unius obnoxam, & solennis gaudia palmæ
 Immensæ esca gulæ pereunt, mensisq; parantur.
 Quoque magis memoranda foret Victoria, & olim
 Herois latè volitaret fama per orbem;
 Non prius expertas tunc invenisse Magirus
 Dicitur arte dapes : Cum sanguine mista Suillo,
 Mellitisque favis condita, & olentibus herbis,
 Pulmonum, jecorisq; adipisq; tomacula cultro
 Secta minutatim pingui infercisset Omaso;
 Ferventi concoxit aquâ, & FARCIMINA dixit.
 Hæc ubi jam mensis fuerant illata secundis,
 Juscula sordescunt, vulgaris tedia Pernæ
 Offendêre gulam : Sola hæc placuêre palatis;
 Inque tuis regnant etiamnùm *Hoglandia* mensis.
 O Epulæ divinæ ! O fercula lauta voraci
 Pontificum stomacho, canisq; accepta Deorum !

Tum

Salve

Salve igitur, tu, BEVI, & tanto illustris Alumno
 Terra Parens, Salve: Virides dum noxius hortos
 Talpa fodit, gravidos rostro dum fulcat adunco
 Porcus agros, dum Nigra ornant Farcimina mensas,
Semper bonos, nomenq; tuum, laudesq; manebunt.
 Scilicet ille tuns, qui utroque cucurrit ab axe
 Hospes Aqualiculo, & pingui Farcimine notus,
 Hoc tibi debebit: vestris adipata Saginis
 Luxuriat; vestro jactat sese *Anglia* dono.
 Dumque tibi pariles tali pro munere laudes
 Grata recognoscit tellus, ad sydera BEVIN
 Tollit, & *Alcide* illius acta laboribus æquat.
 Hinc vastasse Urbes, immensâ hinc mole Leones
 Dicitur, atque Urso, & prodigiosa Gigantum
 Corpora BEVIS humi stravisse, & mille Chimæras.

F I N I S.

mn

tos

o

fas

in

tin

s,

75

no

io

la

lu

sa

ro

as

no

ho

pn

z

oy

*A Catalogue of BOOKS Printed and
Sold in the Borough.*

A Paradoxical Dissertation upon the
Nature and Properties of *Parallel
Lines.*

*A Thesaurus of English Epithets, useful
upon any, or no Occasion.*

*A Panegyrick upon the late King William,
of Glorious Memory.*

*Miscellanies, Political and Amorous, both
in Verse and Prose.*

*An Essay, proving that Substantives cannot
stand by themselves; Exemplified in several
Discourses.*

With several other valuable Pieces,
which all in good Time will be Published
by the same *Unparallel'd* Author.

A Catalogue of BOOKS Printed and
Sold in the Borough.

A Paradoxical Dissertation upon the
Nature and Properties of Parallel
Lines.

The same of English Epithets, useful
upon any, or no Occasion.

Panegyrick upon the late King William,
of Glorious Memory.

Miscellanies, Political and Amorous, both
in Verse and Prose.

An Essay, proving that Substantives cannot
stand by themselves; Exemplified in sever-
al Discourses.

With several other valuable Pieces,
which all in good Time will be Published
by the same Unparallel'd Author.